



BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-660/10
Sarajevo, 19.10.2010. godine

02/e-50-1
10-2010
BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 20-10-2010			
Organizaciona jedinica	Klasifikaciona oznaka	Redni broj	Broj priloga
02-50-1		16-43/10	

PARLAMENTARNA SKUPŠTINA BiH

- Dom naroda-


SARAJEVO

PREDMET: Odgovor na izaslaničko pitanje – dostavlja se

Vijeće ministara Bosne i Hercegovine, na 135. sjednici održanoj 19.10.2010. godine, utvrdilo je Odgovor na izaslaničko pitanje koje je postavio gosp. Slobodan Šaraba, izaslanik u Domu naroda Parlamentarne skupštine Bosne i Hercegovine.

U pravitku dostavljamo Odgovor uz molbu da isti uručite izaslaniku.

S poštovanjem,



GENERALNI TAJNIK
Zvonimir Kutleša



**BOSNA I HERCEGOVINA
VIJEĆE MINISTARA**

Broj: 05-50-1-660/10
Sarajevo, 19.10.2010. godine

Slobodan Šaraba, delegat u Domu naroda Parlamentarne skupštine Bosne i Hercegovine, na 43. sjednici Doma naroda održanoj 23.02.2010. godine, postavio je pitanje:

„Kada će Savjet Ministara BiH opremiti laboratoriju i izvršiti neophodnu obuku kadrova za praćenje rezidua određenih supstanci u proizvodima životinjskog porijekla“

Na postavljeno pitanje, Vijeće ministara Bosne i Hercegovine je na 135. sjednici održanoj 19.10.2010. godine, utvrdilo sljedeći

ODGOVOR

Vijeće ministara Bosne i Hercegovine je na prijedlog Ureda za veterinarstvo Bosne i Hercegovine donijelo Odluku o određivanju ovlaštenih laboratorija u Bosni i Hercegovini („Službeni glasnik BiH“ broj 68/05), te su na taj način ovlaštene laboratorije za provođenje *Odluke o praćenju rezidua određenih tvari u živim životinjama i u proizvodima životinjskog porijekla* („Službeni glasnik BiH“ broj 1/04). Naziv ovlaštene laboratorije izmijenjen je u referentne laboratorije *Odlukom o izmjenama odluke o određivanju ovlaštenih laboratorija u Bosni i Hercegovini* („Službeni glasnik BiH“ broj 90/05). Navedenim odlukama propisane su u aktivnosti koje provode referentne laboratorije u svrhu provođenja plana praćenja rezidua.

Također treba napomenuti da ovlaštene, odnosno referentne laboratorije koje provode plan praćenja rezidua prethodno moraju imati ovlaštenje od nadležnog organa entiteta i Brčko distrikta BiH, što je propisano Odlukom o uslovima koje moraju ispunjavati ovlašteni veterinarski dijagnostički laboratoriji („Službeni glasnik BiH“ broj 25/04).

U okviru godišnjeg plana praćenja referentne laboratorije u Bosni i Hercegovini obavljaju one analize rezidua u živim životinjama i proizvodima za koje su adekvatno opremljene i za koje imaju adekvatno obučeno laboratorijsko osoblje. Međutim, postoje određene laboratorijske analize koje zahtijevaju sofisticiranu laboratorijsku opremu i čiji nedostatak je uzrok dodatnih laboratorijskih analiza koje se obavljaju u referentnim laboratorijama Evropske Unije. Sa obzirom da takva oprema zahtijeva veća materijalna sredstva i uz činjenicu da nije moguće izvršiti direktno ulaganje navedenih sredstava iz proračuna Ureda za veterinarstvo Bosne i Hercegovine u takvu nabavku, kandidovane su i pripremljene različite projektne ideje (kao na primjer IPA projekat) u cilju nabavke potrebne laboratorijske opreme.

U pogledu obuke kadrova za provođenje plana praćenja rezidua, Ured za veterinarstvo Bosne i Hercegovine vrši godišnje sastanke sa predstavnicima nadležnih organa, osobljem

laboratorija i nadležnim veterinarskim inspektorima uključenim u godišnji plan praćenja rezidua. Cilj ovakvih sastanaka jeste dodatna obuka, razmjena iskustava i unaprjeđenje provođenja plana praćenja rezidua. Pored ovakvih sastanaka Ured za veterinarstvo Bosne i Hercegovine također je u toku 2009 godine putem instrumenta za tehničku pomoć Evropske Unije (TAIEX) organizovao dvodnevnu radionicu o provođenju plana praćenja rezidua, na kojoj su predavali stručnjaci iz zemalja članica Evropske Unije, a ciljana skupina učesnika su ponovo bili predstavnici Ureda za veterinarstvo Bosne i Hercegovine, osoblje laboratorija i nadležni veterinarski inspektori.

Značaj usvajanja godišnjeg plana praćenja rezidua za različite životinje i/ili proizvode od strane Evropske komisije, kao što je to bio slučaj sa proizvodima od ribe, je u činjenici da je to prvi korak na putu za stavljanje Bosne i Hercegovine na listu odobrenih zemalja za izvoz tih životinja i/ili proizvoda.

U tu svrhu Ured za veterinarstvo Bosne i Hercegovine će nastaviti da kandiduje različite ideje koje će doprinijeti razvoju kapaciteta ovlaštenih, odnosno referentnih laboratorija i pozdraviti svaku ideju za nabavku laboratorijske opreme.